

南疆绎史

教編

兵

京營

明太祖既以武功定天 慮兵不可一 聚分軍衛以安之又

不可無食 闕軍屯以養之 不可狃安 而玩愒也 京畿之外 簡

選精銳 就試京師 勤教閱以練之 其外統之各都司 內總

之五軍 都督府而上十二 為天子親軍者 不與焉 有事則

調發從軍 事畢則各歸原伍 將無重兵 兵無私將 永杜跋扈

尾大之患 而咸安壤無兢之烈 計至周也 文皇繼統 英武絕

倫規模宏遠以金陵定鼎勢處偏隅乃徙都燕京居重馭輕
而關外元裔實逼處此於是天子自將領數十萬衆電掃漠
北聲靈燁赫焉宣宗蒙業幾於銷悍耀武勦兵龍旗所指屬
蕃羅拜何其盛也後此日就廢弛享至八之難委任閭閻
棄勲舊大臣於不用遂致蒙塵北庭幸見立樞臣權時揀
急改爲團營宗社始安又憲孝武世四朝營制屢更威愈不
振衛所之兵疲於上東南之卒困於轉輸常寧雖間亦整
飭而所任之帥皆無如惰恒靡盬不能復洪永之舊規也迨
神宗以後積弊愈甚營伍不屬虛額存者俱疲工作以至兵
事大壞及宣宗海陵兵

天下金帛前在滄沒無累累烈時饑荒海內土崩無兵

餉徒責文武大臣官吏以死至流寇犯闕禁軍潰於城下
宦豎降於關門而國乃亡矣使能永遵祖制以時修舉廢墜
何至不競若是哉今取明代規制之詳以及營衛江海之戍
芻及清軍教閱賞賚之典而軍船火器及馬政皆軍須也竝
著於篇資考證焉

京營者取在京衛所卒及在外番上軍訓飭之以壯神京任
征伐其制備於成祖而昉於太祖初太祖建統軍元帥府統
諸路武勇士尋改大都督府以從子文正爲大都督節制中
外諸軍京城內外置大小二場分教四十八衛卒已又分前
後中左右五都督府曰五軍有大師旅命武大臣一人爲總
兵官旣旋上所佩將印軍歸衛將歸府洪武四年士卒之數

二十萬七千八百有奇成祖增京衛爲七十二永樂八年征本雅失里分步騎軍爲中軍左掖右掖左哨右哨亦謂之五軍旣旋師五軍營之名遂不易歲調中都山東河南大寧軍番上京師隸之設提督內臣一武臣二掌號頭官二大營坐營官一把總二中營坐營官一馬步隊把總各一左右掖左右哨官如之又有十二營掌隨駕馬隊官軍設把總二圍子手營掌操練上直叉刀手及京衛步隊官軍設坐營官一設司曰一二三四把總共八又有幼官舍人營掌操練京衛幼官及應襲舍人坐營官如前而四司把總減其半此五軍營之部分也已又得邊外降丁三千常立於龍旗寶纛下以爲三千營營分五司一司掌執大駕龍旗寶纛勇字旗負御寶

及兵仗局什物等上直官軍一司管左右二十隊勇字旗大
駕旗纛金鼓等上直官軍一司掌傳令營令旗令牌御用監
盔甲尚衣尚冠尙履什物等上直官軍一司掌執大駕勇字
旗五軍紅盔貼直軍上直官軍一司掌殺虎手馬轎及前哨
馬營上直明甲軍隨侍營隨侍東宮官舍遼東備禦回還官
軍提督內臣二武臣二掌號頭官二坐司官五見操把總三
十四上直把總十六明甲把總四此三千營之部分也已征
交趾得其神鎗火器之法立神機營掌演神銃神砲諸火器
提督內臣二武臣二掌號頭官二亦分爲五軍中軍坐營內
臣一武臣一其下四司各監鎗內臣一把司官一把總官二
左右掖左右哨設官同已又得都督譚廣馬五千匹復置一

營名曰五千下掌操演火器及隨駕護衛馬步軍亦置坐營
內臣一武臣一其下四司各把司官二此神機營之部分也
居常則五軍肄營陳三千軍肄巡哨神機營肄鎗手大駕親
征則大營居中五軍分駐步軍內騎軍外騎卒之外爲神機
神機之外長圍周二十里樵蘇其中此三大營之制也洪熙
時特命武臣一人總理營政總理之有武臣自此始宣德五
年以成國公朱勇言選京衛卒隸五軍訓練明年命給事中
御史錦衣衛叢諸衛軍數以聞巡視京營叢於此帝親征高
煦及巡邊破兀良哈皆以京營取勝焉正統二年復因朱勇
言令行在錦衣等衛守陵守衛卒有其半其上直旗校隸錦
衣督操餘悉歸三大營後十年討鄧茂七命太監曹吉祥王

瑾監督神機火器曰監鎗內官監督自此始土木之難京軍
盡沒景帝用于謙爲兵部尙書謙議兵制大略以京軍分隸
三大營者各爲教令臨期調發挑選湊撥兵將不相習請於
見操諸營軍精選勝兵十萬分十營團練營各萬人設都督
統之使將知士之強弱士悉將之號令有調發上下熟習易
於使令制曰可乃抽卒分練每營都督一號頭官一都指揮
二把總十領隊一百管隊二百於三營提督中推一人充總
兵內臣監之兵部尙書或都御史一人提督之其餘軍仍歸
本營曰老家以衛京師英宗復辟謙死而團營罷憲宗用御
史言復立團營增爲十二每營萬人成化二年團營復罷分
一等次等以訓練三營軍尋勅戶部尙書馬昂副都御史林

聰與內臣懷恩開選得一等軍十四萬有奇帝以一等官軍數多令仍分十二營團練區名十二曰奮武耀武練武忠武敢勇果勇效勇鼓勇立威神威揚威振威每營各分五軍三千神機領馬隊火器之屬而命侯十二人掌其事各以都指揮佐之諸內臣監之勛臣提督之名其軍曰選鋒不任者仍爲老家而團營之法稍變矣二十年復立殫忠効義二營以練京衛舍人餘丁未幾以糜費無益而罷帝在位久於京營特注意然缺伍至七萬五千有奇大率爲權貴所隱占中官汪直總督團營亦自帝始孝宗卽位乃命都御史馬文升提督團營營軍率以工役爲苦成化末余子俊嘗言之不能止文升復言團營之兵宜蓄養銳氣請毋役以興造而每營選

馬步銳卒二千遇警徵調且遵洪永間例五日一操以二日走陳下營以三日演習武藝從之已因彗警用府部言籍清營伍給事御史以時糾察久之帝念畿輔重地欲令衛卒各歸其所爲京師翼衛問策於兵部尙書劉大夏大夏言祖宗時於保定獨設都司統五衛亦此意也會御史亦請令保定兩班萬人歸衛團操帝可之令都指揮往莅於是十二營外畿郡山東河南江北兵各番上而禁旅強時大夏陳弊端十事多切時務已復奏減修乾清宮軍十五主璫以不卹大王爲言激怒帝大學士劉健曰愛惜軍士司馬職也帝納其言戶部主事李夢陽復極論役兵之害并及內官掌兵柄者以語侵壽寧侯下詔獄格不行武宗卽位十二營銳卒僅六萬

五百餘人稍弱者二萬五千餘人而已給事中葛嵩嘗請選
五軍三千營精銳歸團練而存八萬餘人於營以供役惠安
伯張偉謬引舊制以爭事遂已隱占如故宣鐸凡發營軍命
張永將而討之中官權益重會流寇起幸臣江彬言京軍不
習戰宜調宣府等邊軍入衛而以京軍戍邊春秋更易如班
軍例部議以爲紛擾大學士李東陽亦力持之俱不聽乃集
九邊突騎家丁數萬人於京師名曰外四家於是邊團營及
勇士四衛諸軍於西官廳操練而正德元年所操練新選官
軍則於東官廳東西兩官廳之名立十一團營且爲老家而
以兩官廳爲團營矣帝年少好武嘗自署爲威武大將軍南
征宸濠仍取爲號以江彬許泰爲副旣還京彬卽矯旨改團

營爲威武團練營帝崩楊廷和始用遺命罷威武散邊兵當是時邊兵勢張京營戎政益大壞頻年營造籍盈伍虛給事中王良佐等奉勅選軍按名三十八萬餘人而存者不及十四萬中選者僅二萬餘人世宗命武定侯郭勛提督團營勛請得專殺部議不許大學士楊一清復諷言官論之帝爲奪勛命諸大臣條上兵食事一清歷舉京營積弊張璁亦以爲言乃共條六事以上一請設都御史知兵者領京營一坐營官簡邊將經戰者一選勇健者爲戰鋒一選熟知武藝者爲訓練一嚴禁科斂一增草料折價以供馬匹帝悉從之乃命李承勛爲兵部尙書兼右副都御史專主營務是時營額十萬七千有奇而實數僅半提督太監張永言之聞者爲駭愕

承勛言營軍額日虧宜補足十二萬之數部覆按弘治中例
老者聽以壯丁頂補逃故者清軍官依期解補詔從之未幾
左都御史王廷相提督團營條上選軍惜馬訓練三事因言
兵之弊有三無定用一替役之難二隱避之奸三語頗中營
弊旋有請召募者以兵部尙書毛伯溫不可而罷郭勛復起
任團營未幾死成國公朱勇代之於時兩郊九廟及諸宮殿
工作并興多役營軍兵部請分番爲二半團操半放歸而收
其月廩雇役詔行一年自後邊警急團營見兵少乃僅選三
萬騎聽征仍號東西兩官廳而所餘者皆老弱且率被營帥
中璫私役矣二十九年俺荅入寇兵部尙書丁汝夔治兵覈
營伍不及五六萬人驅出城門皆泗涕不敢前諸將領亦慄

然變色帝誅汝襲大學士嚴嵩乃請振刷以圖善後吏部侍郎王邦瑞攝兵部事因言國初京營勁兵不減七八十萬而元戎宿將常不乏人自三大營變爲十二團營又變爲兩官廳雖浸不如初然原額軍尙三十八萬有奇今承平日久武備廢弛見籍止十四萬有奇而在營操練者實不過五六萬人戶部支糧則有兵部調遣則無敵騎深入守城出戰動稱無軍卽見兵率老弱疲憊市井遊販之徒衣甲器械取給一旦團營所理者何事任其耗散至此極也此其弊不在逃亡而在占役不在軍士而在將領今提督武臣卽十二團營之總帥坐營等官卽各營之主帥而號頭把總之類又古偏裨之官其間多紈袴世胄平時占役營軍以空名支餉臨操則

四集市人呼舞博笑而已軍安得足且精乎先年尙書王瓊
毛伯溫劉天和嘗有意振飭矣然將領惡其害已陰謀阻撓
軍士又習驕惰競倡流言事復中止釀害至今乞大振乾綱
道官精核并嚴飭提督官朱希忠陳鏹等於是希忠鏹乞罷
帝許之而命兵部會議京營興革事言營日分而愈弱軍日
選而愈敝請悉併團營官廳卒入五軍營仍分中左右掖哨
五枝每枝添設坐營官一參將遊擊各二三千神機及五軍
所屬三千圍子手等營俱如故又令巡營科道官歲舉効大
小將領以備黜陟且言古官者不得典兵今三大營內內臣
提督監鎗不下二三千人宜俱裁革帝於是革團營兩官廳
名目從三大營舊制更三千營曰神樞營罷太監高忠等歸

內設京營總兵官一員改曰總督京營戎政以咸寧侯仇鸞爲之文臣一員贊軍務曰協理京營戎政改王邦瑞爲兵部左侍郎兼都察院右副都御史充之其下設副參等官二十六員凡團營兩官廳兵悉歸五軍營而寶壽令旗等項仍隸神樞營遇用撥取已而鸞自大同至復請損益部議以四武營歸五軍營中軍四勇營歸左右哨四威營歸左右掖各設坐營官一員爲正兵參將二員爲奇兵正兵以備城守有警卽以奇兵出征報可帝以營制新定告於太廟而行之又遣四御史募兵畿輔山東西河南得四萬人分隸神樞神機二營其二營副將各設一員而增能戰大將分領操練大將所統三營之兵居常名曰練勇有事更定職名五軍營大將

一員統軍一萬總主三營副參遊擊佐擊及坐營等官五軍
營副將二人各統軍七千左右前後參將四人各六千遊擊
將軍四人各三千外備兵六萬六千六百六十人神樞營副
將二人各統軍六千佐擊將軍六人各三千外備兵四萬人
神機營亦如之已又定三大營將領副參遊佐坐營號頭中
軍千把總等官共五百八十六員五軍營官一百九十六員
神樞營官二百八員神機營官一百八十二員在京各衛軍
俱分隸於三大營蓋分之爲三十三營合之爲三大營終帝
之世營制屢更最後中軍哨掖之名亦罷但稱戰守兵兼立
車營云先是五軍府皆開府給印而不與營操營操官不給
印戎政之有府與印自仇鸞始鸞建戎政府以大同兵五百